

歷代刑法考

赦五

刑法攷

述赦四

五代

後梁太祖開平元年正月卽位大赦改元 三年正月郊
大赦八月降死罪囚 乾化元年正月赦流罪以下五月
大赦改元 二年三月德音降死罪以下囚

末帝貞明六年正月降死罪以下囚 龍德元年五月德
音改元降流罪以下囚赦友能

按後梁二主合十六年大赦三降四五代之亂事多闕
失他無可考冊府元龜赦宥門無梁事蓋刪而不錄

後唐莊宗同光元年四月卽位大赦改元十月德音降死
罪囚流已下原之梁滅 二年二月郊大赦 四年正月降

死罪已下囚

明宗天成元年四月卽位大赦改元十一月詔降大辟罪

已下降當死刑外並釋放

本紀不載

二年十月德音釋輕繫

囚長興元年二月郊大赦改元二年四月以旱赦流

罪以下囚四年八月大赦

愍帝應順元年正月大赦改元

廢帝清泰元年四月卽位大赦改元二年五月有死罪

以下囚

本紀不載

按後唐四主合十三年大赦七宥死罪以下一降二免

流罪以下二輕繫囚一

後晉高祖天福元年十一月卽位大赦改元閏月至自太

原大赦二年三月如汴州四月赦囚八月赦非死罪囚

及張從賓符彥饒王暉餘黨

張從賓反克之

三年十月大赦

平六年八月如鄴都大赦

出帝天福七年六月卽位七月大赦 八年五月以旱蝗

大赦 開運元年七月大赦改元 二年五月大赦

按後晉二主合十一年大赦八又曲赦九

漢高祖天福十二年二月卽位六月赦罪人 乾祐元年

正月大赦改元

隱帝乾祐元年二月卽位大赦 二年正月赦囚

按後漢二主合四年大赦二赦二又曲赦二

周太祖廣順元年正月卽位大赦改元 顯德元年正月

赦大赦改元

世宗顯德元年正月卽位三月大赦 四年正月赦非死

罪囚

恭帝顯德六年六月卽位七月大赦

舊紀

按後周二主合九年大赦四赦一又曲赦七

七國

吳楊隆演武義元年卽吳王位大赦

楊溥順義元年二月改元赦十一月郊大赦 七年卽帝位改元乾貞大赦 三年加尊號大赦改元太和 七年加尊號大赦改元天祚

按吳自楊行密至溥四主合四十六年凡赦六

唐李景交泰元年正月大赦改元

李煜嗣立大赦

宋建隆二年

按南唐三主合三十九年十國世家紀赦止此二事

前蜀王建武成元年正月大赦改元 三年十二月大赦改明年爲永平元年 通正元年十月大赦改元 天漢元年大赦

王衍乾德元年大赦

按前蜀二主合三十五年大赦五

南漢劉龔乾亨二年大赦 四年赦

按南漢五主合六十五年赦二

北漢劉承鈞天會元年赦改元

按北漢四主合二十八年赦一

又按以上並據新五代史參以舊五代史及冊府元龜
至十國世家後蜀楚南平吳越閩五國不言赦其五國
赦事亦希恐記載未具非其實也

宋

宋書太祖紀建隆元年正月大赦改元

卽位在上年

六月大赦

減死罪

澤潞平

二年五月以皇太后疾赦雜犯死罪 乾

德元年十一月郊大赦改元 三年五月大赦減死罪一

等 開寶元年十一月郊大赦 四年二月大赦

廣南十平

一月郊大赦 九年正月大赦減死罪一等四月郊大赦
按太祖在位十七年大赦九赦雜犯一又曲赦六別赦

一

太宗紀開寶九年十月卽位大赦常赦所不原者咸除之
十二月御乾元殿受朝大赦改元 太平興國三年十
一月郊大赦 六年五月降死罪囚流以下釋之十一月
郊大赦 八年八月以大水故釋死罪以下 雍熙元年
十一月郊大赦 二年九月以歲無兵凶死罪減降流以
下釋之 三年九月減兩京諸州繫囚流以下一等杖罪
釋之 端拱元年正月耕藉大赦改元 二年八月大赦
淳化二年五月減兩京諸州繫囚流以下一等杖罪釋
之十二月慮囚降徒流以下一等釋杖罪 四年正月郊
大赦 五年正月慮囚流罪以下釋之四月赦降死罪以

下囚九月以襄王元侃爲開封尹改封壽王大赦 至道元年二月以旱慮囚減流罪以下四月遣使分決諸路刑獄劫賊止誅首惡降流罪以下一等八月立壽王元侃爲皇太子大赦 二年正月祀圜丘大赦

按太宗在位二十年大赦十一降釋十一又曲赦十一別赦一

真宗紀至道三年二月卽位赦天下常赦所不原者咸除之

按此大赦也疑奪大字

咸平元年正月雪出二月慮囚老幼疾

病流以下聽贖杖以下釋之 二年閏月以久不雨詔天下繫囚非十惡枉法及已殺人者死以下減一等十一月郊大赦 三年五月詔天下死罪減一等流以下釋之

四年正月詔天下繫囚死罪已下減一等杖罪釋之 五年十一月郊大赦 六年十一月慮囚雜犯死罪以下遞

減一等杖釋之十二月太后不豫赦天下死罪減一等流以下釋之 景德元年正月大赦改元 二年正月以契丹講和大赦 十一月郊大赦 大中祥符元年正月迎天書大赦改元十月封禪大赦 四年二月次河中府祀后土地祇大赦五月慮囚死罪流徒降等杖以下釋之 五年十月延恩殿道場帝瞻九天司命天尊降大赦 七年二月恭謝天地大赦十一月玉清昭應宮成詔減諸路繫囚罪流以下一等 八年正月謁玉清昭應宮赦 閏六月赦 九年五月詔天下繫囚死罪減等流以下釋之 天禧元年謝天地於南郊大赦 二年四月赦天下死罪減一等流以下釋之七月以星變赦天下流以下罪減等左降官羈管十年以上者放還京師八月立皇子昇王爲皇太子大赦 三年七月上尊號八月大赦十一月郊

大赦 四年九月赦 五年正月帝疾愈詔天下死罪降
流以下釋之五月慮囚降天下死罪 乾興元年正月改
元二月大赦

按眞宗在位二十六年大赦十六赦一贖釋一降釋十
二又曲赦十九別赦一天書出而赦事多矣王欽若之
罪可勝誅哉

仁宗乾興元年二月卽位大赦五月錄繫囚雜犯死罪遞
降一等杖以下釋之 天聖元年八月德音減天下囚罪
一等杖以下釋之 二年郊大赦 四年六月京師水降
天下囚罪一等徒以下釋之 五年十一月郊大赦 七
年四月赦 八年郊大赦 明道元年八月大內火延八
殿詔羣臣直言闕失大赦十一月以修內成謝天地於大
安殿謁太廟大赦改元 二年二月耕藉大赦三月以皇

太后不豫大赦 景祐元年八月以星變大赦 二年五

月降天下繫囚罪一等杖以下釋之十一月郊大赦 四

年五月皇子生錄繫囚降死罪一等流以下釋之 寶元

元年十一月郊大赦改元 康定元年三月德音降天下

囚罪一等徒以下釋之

大風晝暝黑氣見

慶厯元年郊大赦改

元 四年降天下繫囚流徒罪一等杖笞釋之十一月郊

大赦 五年三月以曩霄稱臣降繫囚罪一等笞釋之十

月祔章獻明肅皇后章懿皇后神主於太廟大赦 七年

郊大赦 八年十二月以霖雨爲災頒德音改明年元減

天下囚罪一等徒以下釋之 皇祐二年九月大饗明堂

大赦 五年郊大赦

通考作四年

至和元年三月日當食四

月朔下德音改元減死罪一等流以下釋之 嘉祐元年

正月不豫赦

通考云大赦

九月恭謝天地於大慶殿大赦改元

二年二月錄繫囚降罪一等徒以下釋之八月錄繫囚
降罪一等徒以下釋之 三年二月錄繫囚降罪一等徒
以下釋之 四年四月錄繫囚降罪一等徒以下釋之八
月大赦於太廟大赦 五年五月錄繫囚降罪一等徒以
下釋之 六年錄繫囚降罪一等徒以下釋之五月錄繫
囚降罪一等徒以下釋之 七年九月大饗明堂大赦通考
作二 八年正月帝不豫下德音減天下囚罪一等徒以
下釋之

按仁宗在位四十二年大赦二十赦通考云大德
赦二十二 十二不言德音而是德音者十二曲赦二十五錄囚十
二別赦一通考曲赦五德音十五錄囚五十八當必有
據今錄囚惟取紀言減釋者餘姑不錄

英宗嘉祐八年嗣位大赦 治平二年郊大赦 三年十

一月帝不豫降天下囚死罪一等流以下釋之十二月立
潁王頊爲皇太子大赦 四年正月上尊號降天下囚罪
一等徒以下釋之

按英宗在位四年大赦三德音三通考云錄四七

神宗治平四年正月卽位赦 熙甯元年正月以旱減天

下囚罪一等杖以下釋之德音十一月郊大赦 二年十一

月減天下囚罪一等杖以下釋之德音三年八月以旱慮囚

死罪以下遞減一等杖笞釋之 四年六月大饗明堂赦

六年三月以四月朔日當食降天下囚罪一等流以下

釋之十一月中太一宮成減天下囚罪一等流以下釋之

德音七年三月慮囚減死罪一等杖以下釋之 七年十

一月郊赦 八年五月慮囚降死罪一等杖以下釋之十

月彗出赦通攷云 九年六月慮囚降死罪一等杖以下

釋之 十年三月慮囚降死罪一等杖以下釋之十一月

郊赦 元豐元年三月慮囚降死罪一等杖以下釋之十

二月錄囚降死罪一等杖以下釋之 二年十月太皇太

后疾減天下囚罪一等流以下釋之德音 三年九月大饗

明堂赦 五年三月以日當食赦降死罪一等流以下原

之德音十一月景靈宮成以奉安神御赦 六年十一月郊

赦 七年五月慮囚降死罪一等杖以下釋之 八年正

月帝不豫赦通考云 三月立延安郡王儲爲皇太子赦通考

云大赦

按神宗在位十九年赦十一其一言大然卽位之赦紀

云赦天下常赦所不原者實大赦通考云大赦十一當

得其實本紀殆史之省文歟通考云德音八其一以皇

子生當卽本紀二年三月之事通考云曲赦十一紀所

書者十三

詳曲

通考云熙河獨再而紀惟見其一通考

云親錄在京繫囚凡十五及諸路者及西京者二茲錄

八又京畿一

詳曲

通考所言當有據今無以證之又別

赦四

哲宗紀元豐八年三月卽位大赦

元祐元年九月大享

明堂赦

三年二月德音減囚罪一等徒以下釋之八月

降繫囚罪一等杖以下釋之四年八月大享明堂赦

五年二月減天下囚罪杖以下釋之六年九月上清儲

祥宮成減天下囚罪一等杖以下釋之

七年郊赦

通考云大

八年八月以太皇太后疾赦

紹聖二年九月大享

明堂赦

四年九月以星變赦

元符元年五月御大慶

殿受天授傳國受命寶

段義

班德音減囚罪一等徒以下

釋之

十一月郊赦

二年八月皇太子生降德音減囚

罪一等流以下釋之 三年正月奉安太宗皇帝御容於景靈宮大赦

按哲宗在位十五年大赦二赦七德音三不言德音而是德音者七曲赦二錄囚一通考云大赦八德音九西邊進築紀云曲赦而通考云德音是二者亦難區別矣徽宗紀元符三年正月卽位赦通考云四月長子亶生大

赦七月皇太后還政減天下囚罪一等流以下釋之德音十

二月皇太后不豫降德音於諸路減囚罪一等流以下釋

之 建中靖國元年三月以日當食降天下囚罪一等流

以下釋之德音十一月郊赦 崇寧二年四月以初謁景靈

宮赦通考云三年十一月郊赦 四年九月赦 五年

正月以星變赦毀元祐黨人碑除黨人一切之禁 大觀

元年正月赦通考云九月享明堂赦 二年正月受八寶

於大慶殿赦

四年五月以警見赦

通考云

十一月郊赦

改明年元

政和元年七月以疾愈赦

二年十月得王

圭於民間十一月受元圭於大慶殿赦

通考云

三年十

月郊大赦

四年十二月以禁中神御殿成減天下囚罪

大赦

一等

德

五年二月立定王桓爲皇太子赦

六年九月

上玉皇上帝徽號赦

通考云

十一月郊赦

七年五月祭

地於方澤降德音於諸路九月大享明堂赦

重和元年

正月受定命寶于大慶殿赦

通考云

九月以歲當戊月當

壬爲元命降德音於天下十一月改元大赦

宣和元年

八月以神霄宮成降德音於天下十一月郊赦

二年五

月祭方澤降德音於諸路

三年二月赦

通考云

方臘大赦

四年十一月郊赦

通考云

七年十一

月郊赦

六年以復燕雲赦

通考云

七年十一

按徽宗在位二十五年大赦三赦二十三德音十三不言德音而是德音者九曲赦十八又別赦一通攷及宋志並云大赦二十六曲赦十四德音則通考二十七志三十七又各不同

欽宗紀宣和七年十二月卽位赦大逆反叛以下罪通考云大赦

靖康元年二月金人退師赦

按欽宗在位二年赦二卽位赦及反逆實大赦也曲赦一通考云大赦二德音一

高宗紀建炎元年五月卽位改元大赦張邦昌及應于供奉金國之人一切不問六月子塹生大赦二年十一月郊大赦三年二月降德音赦雜犯死罪以下囚放還士大夫被竄斥者惟李綱罪在不赦更不放還蓋用黃潛善計罪綱以謝金人通考云上如杭州大赦三月苗傅劉正彥等叛迫

帝遜位大赦四月帝復位大赦十一月詔降雜犯死罪釋

流以下囚

四年二月以金兵退肆赦

通考云大赦

紹興元

年正月改元釋流以下囚九月大享明堂大赦二年九

月以彗出大赦四年九月大享明堂大赦七年正月

間上皇及甯德皇后崩帝成服下詔降徒囚釋杖以下九

月大享明堂大赦九年正月以金國通和大赦十年

九月大享明堂大赦十二年九月大赦

和議成

十三年

十一月郊大赦十五年四月以彗出大赦十六年十

一月郊大赦十九年十一月郊大赦二十二年十一

月郊大赦二十五年十一月郊大赦二十八年十一

月郊大赦二十九年九月以皇太后不豫大赦三十

一年九月大享明堂大赦

按高宗在位三十六年大赦二十一德音一肆赦一降

釋三

孝宗紀紹興三十二年六月卽位大赦 乾道元年正月

郊大赦改元八月立子愔爲皇太子大赦 三年七月以

皇太子疾減雜犯死罪囚釋流以下十一月郊大赦 六

年十一月郊大赦 七年二月立子惇爲皇太子大赦

九年十一月郊大赦 淳熙二年十二月朝德壽宮行慶

壽禮大赦 三年十一月大赦 六年九月大享明堂大

赦 九年九月大享明堂大赦 十年十二月朝德壽宮

行太上皇后慶壽禮推恩如太上皇故事按是年本紀不詳刑典列于赦有部內以旣言推恩如太上皇故事必有

教也通考云十年行太上皇帝慶壽禮教其言赦則是其言太上皇帝非或傳寫之謬十三年請德壽宮行慶壽禮紀不

言太上皇帝皇后蓋兼有之通考云行太上皇后慶壽禮

誤 十二年十一月郊大赦 十三年正月率羣臣詣德

壽宮行慶壽禮大赦 十四年十月以太上皇不豫赦

十五年九月大享明堂大赦

按孝宗在位二十七年大赦十四赦一減釋二又曲赦
七

光宗紀淳熙十六年二月卽位大赦 紹熙元年三月以
久雨釋杖以下 二年十一月郊不成禮肆赦 五年五
月以壽皇聖帝疾赦

按光宗在位五年大赦一肆赦一赦一又曲赦三

甯宗紹熙五年七月卽位大赦九月大享明堂大赦 慶

元三年十月以太皇太后違豫赦

通考云以冬雷赦似誤

十一月郊

大赦 五年八月以過宮上壽禮成詔減諸路流囚釋杖

以下 六年正月子坦生二月減諸路雜犯死罪囚釋徒

以下六月以太上皇后違豫赦八月以太上皇違豫赦九

月大享明堂大赦 嘉泰元年五月以旱釋諸路杖以下

因二年七月以旱釋諸路杖以下囚三年十一月郊

大赦開禧二年九月祀明堂大赦三年五月以太皇

太后謝氏有疾赦十一月以立皇太子大赦嘉定二年

九月祀明堂大赦五年十一月郊大赦八年四月減

臨安及諸路雜犯死罪以下囚釋杖以下九月祀明堂大

赦十年七月以旱釋諸路杖以下囚十一年九月祀

明堂大赦十四年九月祀明堂大赦十五年正月以

受寶大赦

十七年八月帝不豫赦

本紀不載見通考

按甯宗在位三十年大赦十三赦五減釋六

理宗嘉定十七年嗣位大赦九月祀明堂大赦寶慶二

年郊大赦紹定三年祀明堂大赦四年正月皇太后

年七十有五上詣慈明殿行慶壽禮大赦五年十月以

星變大赦十二月皇太后不豫大赦六年祀明堂大赦

端平三年祀明堂大赦 嘉熙三年祀明堂大赦 四

年二月大赦

星

十二月詔繫囚情理輕者釋之 淳祐二

年祀明堂大赦

五年祀明堂大赦

八年祀明堂大赦

十一年祀明堂大赦

寶祐二年祀明堂大赦

五年

祀明堂大赦

景定元年七月冊皇太子大赦九月祀明

堂大赦

四年祀明堂大赦

五年十月帝有疾大赦

按理宗在位四十年大赦二十一曲赦三其他降釋紀
皆不書大約元代修史時本紀不出於一人之手故體
例各不同也

度宗景定五年十月卽位大赦

咸淳三年正月郊大赦

五年祀明堂大赦

八年明堂禮成祀景靈宮肆赦

按度宗在位十年大赦三肆赦一

帝熈德祐元年祀明堂赦

按帝昺在位二年赦一又曲赦一

端宗德祐二年五月立於福州郊赦

按端宗流離海上所謂赦者亦空有其名而已

遼

太祖紀神冊元年二月上尊號大赦建元 天顯元年二月祭天地大赦改元

按太祖在位先九年及建元後十一年大赦二又曲赦

三

太宗紀天顯二年十一月卽位大赦不改元 會同元年十

一月上尊號大赦改元 大同元年建國號大遼大赦改

元

按太宗在位二十一年大赦三又曲赦一別赦一

世宗紀大同元年四月卽位九月大赦改元天祿 三年正

月肆赦

蕭翰
伏誅

按世宗在位三年大赦一肆赦一

穆宗紀應歷十一年二月蕭恩言老人星見乞行赦宥六月赦

按穆宗在位十八年赦一又曲赦四

景宗應歷十九年二月卽位大赦改元

保甯

乾亨元年十一

月冬至赦改元

按景宗在位十三年大赦一赦一

聖宗乾亨四年九月卽位十月大赦 統和元年六月上

尊號大赦改元 十二年八月錄囚雜犯死罪以下釋之

二十四年十月上尊號大赦 二十七年十二月皇太

后不豫肆赦 開泰元年十月上尊號大赦改元 六年

九月以皇子生大赦 太平元年十一月上尊號大赦改

元

按聖宗在位四十九年大赦六肆赦一錄囚一又曲赦

一

興宗太平十一年六月卽位大赦改元景福 重熙元年十一月上尊號大赦改元 四年十一月行柴冊禮大赦 八年十二月錄囚非故殺者減科十一月皇太后行再生禮大赦 九年三月以應聖節大赦 十年十月以皇子生肆赦 十一年十一月冊皇后大赦 十二年七月北院樞密使蕭孝忠薨特釋繫囚 十五年三月以應聖節減死罪釋徒以下 十六年四月肆赦十二月以太后愈雜犯死罪減一等論徒以下免 十七年七月錄囚減雜犯死罪 十八年三月赦雜犯死罪以下洪基疾愈 二十年十二月以皇太后行再生禮肆赦 二十三年十

一月上尊號大赦 二十四年八月疾大漸大赦

按興宗在位二十五年大赦八肆赦三德音五曲赦六錄囚二釋徒二別赦一續通考曰史稱興宗好名又溺浮屠法務行小惠數降赦宥以故釋死囚及犯罪應加而特赦其罪者甚衆

道宗紀重熙二十四年卽位改元清甯大赦 二年十一

月上尊號大赦 四年三月肆赦十一月受大冊禮大赦

咸雍元年正月上尊號改元大赦 三年十二月行再

生禮赦死罪以下 五年十二月行皇太子再生禮減諸

路徒以下罪一等德六年十二月以坤甯節赦徒罪以下

八年十二月以坤甯節大赦 十年十二月改明年爲

太康大赦 太康二年三月皇太后崩大赦 五年十二

月行再生禮赦雜犯死罪以下 九年六月詔諸路檢括

脫戶罪至死者原之十一月進封梁王延禧爲燕國王大赦
十年十二月改明年爲大安赦雜犯死罪以下大
安五年十一月燕國王延禧生子大赦九年十月燕國
王延禧生子肆赦十年十二月詔改明年元減雜犯死
罪以下德音

按道宗在位四十六年大赦九肆赦二赦七又曲赦六
赦徒五

天祚紀壽隆七年正月卽位改元乾統大赦三年十一
月上尊號大赦六年行柴冊禮大赦保大元年正月
改元肆赦

按天祚在位二十四年大赦三肆赦一
北遼耶律瀋建福元年大赦

金

太祖紀天輔七年二月大赦

按太祖在位十一年建元九年大赦一又曲赦二

太宗紀天輔七年九月卽位大赦改元天會 十年十月
天清節大赦

按太宗在位十三年大赦二

熙宗天會十三年正月卽位未改元十五年十二月改明年

爲天眷元年大赦 皇統元年正月上尊號大赦改元

二年以皇子生赦中外 五年十二月赦 九年五月以

天變肆赦十月大赦

按熙宗在位十四年大赦三肆赦一赦二又曲赦二

海陵庶人紀皇統九年十二月篡位大赦改元天德 正

隆元年二月改元大赦

按海陵在位十二年大赦二又曲赦一

世宗紀大定元年卽位改元大赦 二年十月葬睿宗皇帝于景陵大赦 七年正月受尊號大赦 十一年十一月郊大赦 十九年十一月改葬昭德皇后大赦 二十七年三月皇太孫受冊赦 二十八年十二月上不豫赦天下

按世宗在位二十五年大赦五赦二又曲赦二

章宗紀大定二十九年五月以祔廟禮成大赦 明昌四

年羣臣上尊號不受詔論中外徒罪以下遞降一等杖以

下原之德八月百僚再請上尊號不許大赦 承安元年

十一月郊大赦改元 二年五月皇子生詔中外降死罪

釋徒以下德泰和三年五月以定律令正土德鳳皇來

昌德建大赦

按章宗在位二十年大赦四德音二又曲赦四

衛紹王紀大安元年正月改元大赦三月道陵禮成大赦
崇慶元年改元赦

按衛紹王在位五年大赦二赦一又曲赦二

宣宗紀至甯元年九月改元貞祐大赦二年三月赦國
內四月以大元允和議大赦國內三年八月大赦四
年十月祔享禮成赦興定元年九月改元赦二年十
二月大赦元光元年六月大赦八月以彗星見改元大
赦二年二月大赦

按宣宗在位十一年大赦七赦三又曲赦十六

哀宗紀元光二年十二月卽位大赦正大元年四月宣
宗祔廟大赦二年五月以旱甚責已避正殿減常膳赦
罪五年六月以旱赦雜犯死以下罪八年四月赦
天興元年正月肆赦改元開興四月肆赦改元天興

按哀宗在位十四年大赦二肆赦二赦二又曲赦四別赦一

元

太宗十三年二月帝有疾詔赦天下囚徒

按太宗在位十三年赦一

憲宗紀二年十二月大赦

按憲宗在位九年大赦一

世祖紀中統元年五月以阿里不哥反詔赦天下 至元

元年八月以改元大赦 六年七月遣官審理諸冤滯正

犯死罪明白者各正典刑其雜犯死罪以下量斷遣之

十年五月詔天下獄囚除殺人者待報其餘一概疏放限

以八月內自至大都如期而至者皆赦之十月有司斷死

罪五十人詔加覆審其十三人因鬪毆殺人免死充軍餘

令再三覆審以聞 十三年九月以平宋赦 二十一年
上尊號赦 二十二年正月遣官諸路慮囚罪輕者釋之
十二月敕減天下罪囚 二十四年二月幸上都札魯忽
赤合剌合孫等言去歲審囚官所錄囚數南京濟南兩路
應死者已一百九十人若總核諸路爲數必多宜留札魯
忽赤數人分道行刑帝曰囚非羣羊豈可遽殺耶宜悉配
隸淘金 二十五年正月大赦 二十七年九月赦 二
十八年十二月詔釋天下囚非殺人抵罪者 二十九年
二月遣使分行諸路釋死罪以下輕囚十月詔擇囚徒罪
輕者釋之 三十年十月赦

按世祖在位三十五年大赦二赦五釋死罪一釋非殺
人者二錄囚三釋輕囚三減一又別赦三

成宗紀至元三十一年四月卽位大赦 大德元年二月

改元赦

四年十一月詔頒寬令徒罪各減一半杖罪以

下釋之

德音

六年三月以旱溢爲災赦

八年正月以災

異故詔天下恤民隱省刑雜犯之罪當杖者減輕當笞者

並免私鹽徒役者減一年

德音

九年二月赦六月立皇太

子諸處罪囚淹繫五年以上除惡逆外疑不能決者釋之

流竄遠方之人多移內地 十年七月釋諸路囚常赦所

不原者不與

按成宗在位十三年大赦一赦二德音二釋囚十一曲

赦一赦徒一

武宗紀大德十一年五月卽位大赦

十二月以明年改

元赦

本紀不言赦罪人此據續通考

至大二年二月以受尊號大赦十

月以饑疫旱蝗相仍大赦

此二赦本紀無見續通考

三年十月以皇

太后授尊號赦

四年正月帝不豫大赦

按武宗在位五年大赦四赦二曲赦一

仁宗紀至大四年三月卽位大赦 皇慶元年十月赦

延祐元年正月改元釋天下流以下罪囚 二年十月以
星變赦 五年五月遣官分道減決笞以下罪

按仁宗在位十年大赦一赦二德音一錄囚一釋囚六
英宗紀延祐七年三月卽位赦 十二月以明年改元赦
本紀無見
續通考

按英宗在位三年赦二又曲赦一釋囚二

泰定帝紀至治三年八月卽位大赦 泰定元年十月釋

笞四十七以下囚及輕重流人 二年閏月赦 三年十

一月赦地震 四年閏月以災變赦 致和元年二月改元

詔疑獄繫囚三年不決者咸釋之

按泰定帝在位五年大赦一赦三釋囚四又曲赦一

文宗紆致和元年九月卽位大赦改元天歷十二月赦
二年八月復卽位大赦 至順元年十二月郊大赦 三
年六月以月魯帖木兒等罪詔告中外赦

按文宗在位五年大赦三赦二又曲赦一釋囚二又紀
云至順二年八月以星變令羣臣議赦而不言何時赦
或未行也

寧宗紀至順三年十月卽位大赦

未及改元

按甯宗在位未及一年大赦一

順帝紀至順四年六月卽位赦

元統二年八月赦

以星變

至元元年七月誅荅里及刺刺等赦九月赦十一月星文
示儆改元至元赦 四年正月地震赦 至正三年十月

郊大赦

六年閏月赦

十年四月赦

十二年正月河

復故道大赦

十三年六月立皇太子大赦

十五年十

二月以天下兵起下詔罪已大赦 十七年二月以征河
南大捷赦 二十一年正月赦 二十三年三月大赦
二十五年七月李羅帖木兒伏誅召皇太子還宮大赦
二十七年十月赦

按順帝在位三十六年大赦六赦十一釋囚三又曲赦
四

明

太祖紀洪武元年八月赦殊死以下克元 八年二月省
雜犯死罪以下及官犯私罪謫鳳陽輪作屯種贖罪 十
三年五月甲午雷震謹身殿乙未大赦 十四年三月大
赦 十五年正月減大辟囚 十七年正月大赦 二十
二年十二月令殊死以下輸粟北邊自贖 二十五年正
月令死罪輸粟塞下

按太祖在位三十一年大赦三赦一減一贖三又曲赦
一別赦二

惠帝紀洪武三十一年閏五月卽位大赦十二月釋黥軍
及囚徒還鄉里

按惠帝在位四年大赦一釋一

成祖紀永樂元年五月宥死罪以下遞減一等 四年十

二月赦天下殊死以下 五年六月詔自永樂二年六月

後犯罪去官者悉宥之本紀無見八月錄囚雜犯死罪減

等論戍流以下釋之 十一年十月命皇太子錄囚明志

京囚贖雜犯十二年八月辛丑朔至北京御奉先殿受

朝賀續通考十一年御北京新殿大赦按本紀事十五

年三月雜犯死罪以下囚輸作北京贖罪 十九年正月

大赦兩京宮殿成有

按成祖在位二十二年大赦二赦一錄囚二減釋二贖
一又曲赦三

仁宗紀永樂二十二年八月卽位大赦

按仁宗在位一年大赦一又別赦二

宣宗紀洪熙元年六月卽位大赦 宣德元年正月赦死
罪以下運糧宣府自贖十二月錄囚宥免三千餘人 二
年以皇長子生大赦 八年二月錄囚宥免五千餘人

按宣宗在位十年大赦二贖一錄囚二又曲赦一別赦

英宗前紀宣德十年正月卽位大赦二月上兩宮尊號赦

見明大政紀 正統四年三月赦 六年十一月詔定都北京

大赦見明大政紀 八年五月大赦 十一年十一月減殊死

以下罪 十四年六月赦南京宮殿災

按英宗先在位十四年大赦二赦三減一又曲赦一

景帝紀正統十四年九月卽位大赦十二月尊皇太后爲上聖皇太后尊母賢妃爲皇太后立妃汪氏爲皇后大赦
景泰元年八月上皇歸赦三年三月立皇子見濟爲皇太子太子母杭氏爲皇后大赦

按景帝在位八年大赦三赦一

英宗後紀天順元年正月復位赦七月大赦

明大政紀云承天門災上

下詔責躬

五年七月大赦

曹吉祥等伏誅

按英宗復位後在位八年大赦二赦一

憲宗紀天順八年正月卽位大赦

成化六年八月以水

旱相仍下詔寬卹

續通考除眞犯死罪不宥軍徒以上降等發落杖以下悉寬宥

七年

十一月立皇子祐極爲皇太子大赦

旋薨

十一年十一月

立皇子祐檄爲皇太子大赦

二十年五月再錄囚減死

罪以下 二十一年正月星變赦

按憲宗在位二十三年大赦三赦一錄囚一又曲赦一
孝宗紀成化二十三年九月卽位大赦 宏治五年三月
立皇子厚照爲皇太子大赦 十一年十二月以清寧宮
災赦

按孝宗在位十八年大赦二赦一

武宗紀宏治十八年五月卽位大赦 八月尊皇太后爲

太皇太后皇后爲皇太后續通考諸徒流以下罪悉宥之 正德五年四

月赦王安化王反 六年四月審囚凡矜疑閱實者奏聞從末減

釋之本紀不載見明大政紀

按武宗在位十六年大赦一赦一審囚一

世宗紀正德十六年四月卽位大赦 嘉靖三年四月追

尊興獻帝大赦 九月十一月郊大赦 十二年八月皇

子生赦 十五年十一月皇長子生赦 十七年十一月
郊赦 十八年二月立皇太子赦三月謁顯陵赦 二十
四年七月有事於太廟赦徒罪以下

按世宗在位四十五年大赦三赦五徒以下一明代郊
赦惟世宗行之

穆宗紀嘉靖四十五年十二月卽位大赦 隆慶二年三
月立皇太子赦

按穆宗在位六年大赦二

神宗隆慶六年六月卽位赦 萬曆十年九月皇太子生
赦 二十五年七月赦 二十九年十月立皇太子赦
三十三年皇長孫生赦 四十一年三月慈聖皇太后崩
四月以皇太后遺命赦

按神宗在位四十八年赦六明列帝卽位皆書大赦獨

神宗熹宗不言大其史文之駁歟

光宗紀萬曆四十八年八月卽位大赦

按光宗在位一月大赦

熹宗紀萬曆四十八年九月卽位赦 天啟三年閏月皇

子生赦 五年十月皇子生赦

按熹宗在位七年赦三

莊烈帝紀天啟七年八月卽位大赦 崇禎二年皇長子

慈烺生赦 三年三月立皇太子大赦

按莊烈帝在位十七年大赦二赦一

赦五終

赦六

刑法考

述赦五 曲赦

魏志文紀黃初五年秋七月行東巡幸許昌宮八月幸壽春揚州界將吏士民犯五歲刑以下皆原除之九月遂至廣陵赦青徐二州 六年六月利成郡兵蔡方等以郡反殺太守徐質遣屯騎校尉任福步兵校尉段昭與青州刺史討平之其見脅略及亡命者皆赦其罪

明紀景初元年七月璽書徵公孫淵淵發兵反詔遼東將吏士民爲淵所脅略不得降者一切赦之

三少帝紀高貴鄉公正元二年正月鎮東將軍母邱儉揚州刺使文欽反特赦淮南士民諸爲儉欽所誑誤者 十一月以隴右四郡及金城連年受敵或亡叛投賊其親戚留在本土者不安皆特赦之 甘露二年五月諸葛誕反

赦淮南將吏士民爲誕所誅誤者

陳留王景元四年十一月平蜀十二月特赦益州士民
咸熙元年正月鍾會反于蜀爲眾所討二月特赦諸在益
土者

以上魏

晉書武紀泰始五年曲赦交趾九真日南五歲刑

按曲赦之名始見於此

七年五月雍涼秦三州饑赦其境內殊死以下八月分益
州之南中四郡置甯州曲赦四郡殊死已下

惠紀永平元年六月曲赦洛陽

時賈后使楚王瑋殺汝南王亮太保衛璠后又殺瑋

四年九月赦諸州之遭地災者

壽春上庸六年十月曲赦

雍涼二州

何奴雍

永康元年八月曲赦洛陽

時淮南王允舉兵討趙王

倫不克

太安元年三月赦司冀兗豫四州

懷紀永嘉元年八月曲赦幽并司冀兖豫等六州 三年

三月曲赦河南郡

廢帝紀太和元年九月曲赦梁益二州

安紀元興元年十二月曲赦廣陵彭城大逆以下時桓元擅政

宋書文紀永嘉四年正月曲赦都邑百里內 十年七月

曲赦益梁秦三州 十一年五月曲赦梁南秦二州劍閣

以北牛氏楊難當 二十八年十一月曲赦二兖徐豫青益六

州

孝武紀元嘉三十年五月曲赦京邑二百里內 孝建元

年二月曲赦豫州時豫州刺史魯爽反 大明四年十二月辛巳車駕

幸廷尉寺凡囚繫咸悉原遣丁未車駕幸建康縣原放獄

囚 五年七月曲赦雍州 七年十一月曲赦南豫州殊

死以下原放行獄徒繫東諸郡大獄十二月大赦南豫州

別署赦繫長徒一切原散其兵期考襲譴戍悉停

前廢帝紀景和元年十月曲赦徐州

時討徐州刺史義陽王昶十一月

赦揚南徐二州

明帝紀泰始二年二月曲赦吳吳興義興晉陵四郡

時四郡太守

並舉兵反

曲赦浙江東五郡

三月原赦南徐二州囚繫凡

逋亡一無所問

五月曲赦豫州

時豫州刺史叛

九月曲赦江

郢荆雍湘五州守宰不得離職

時晉安王子勔反據五州

十月曲赦揚

徐二州

三年正月曲赦豫南豫二州

二月曲赦青冀

三州

九月曲赦徐兗青冀四州

四年五月曲赦廣州

時妖賊攻廣州

九月曲赦揚南徐兗豫四州

後廢帝元徽四年七月曲赦南徐州

南齊書高紀宋昇明三年三月爲齊公赦國內殊死以下

今月十五日昧爽以前一皆原赦

按此襲曹操之故事也似爾時州將皆得赦境內齊國更無論矣

建元元年七月曲赦交州部內二年六月詔昔歲水旱曲赦丹陽二吳義興四郡四年二月詔原京師囚繫有差

武紀永明九年正月祠南郊詔京師見囚繫詳量原遣十一年正月詔京師見繫囚詳所原遣七月曲赦南兖兖州司徐五州南豫州之懸陽譙臨江廬江四郡

明紀建武二年正月詔京師繫囚殊死可降爲五歲刑三署見徒五歲以下悉原赦永泰元年四月改元赦三署囚繫原除各有差五月曲赦浙東吳晉陵七郡時會稽太守王敬則

東昏侯紀永元元年八月曲赦京邑始安王暹光二年四

月曲赦京邑南徐兗二州

崔慧景入京師

五月曲赦京邑南徐兗

二州 三年六月曲赦江州安成廬陵二郡

蕭穎孚起兵廬陵

七月曲赦荆雍二州

蕭穎胄起兵荊州

和紀永元二年十一月教曰所領內繫囚見徒罪無輕重

殊死已下皆原遣

梁書武紀中興二年三月進爵爲王令國內殊死以下今

月十五日昧爽以前一皆原赦

天監二年曲赦益州

刺史劉季連反克之通考云祀南郊曲赦益州死囚以下今紀無此文馬不知何據

四年二月曲

赦交州

凱反平之

十一年三月曲赦揚徐二州

十五

年十一月曲赦交州

斬反者

大通元年曲赦東豫州

魏東豫州

內屬

大同四年八月詔南兗北徐西徐東徐青冀南北青

武仁潼雒等十二州既經饑饉曲赦逋租宿責勿收今年

三調

六年正月曲赦司豫徐兗四州

十一月曲赦京

邑 太清元年八月詔曰今汝南新復嵩穎載清瞻言遺
黎有勞鑒寐宜覃寬惠與之更始應是緣邊初附諸州部
內百姓先有負罪流亡逃叛入北一皆曠蕩不問往讐并
不得挾以私讐而相報復若有犯者嚴加裁問 二年五
月曲赦交愛德三州 八月曲赦南豫州侯景反

敬紀太平元年正月曲赦吳興郡二月曲赦東揚州 二
年四月曲赦江廣衡三州并督內爲賊所拘逼者並皆不

問時蕭勃反

陳書文紀天嘉元年六月國哀周忌赦京師殊死已下

二年二月曲赦湘州諸郡湘州平 三年四月曲赦東陽郡

東陽郡平 四年九月曲赦京師 五年七月曲赦京師詔內

獲微 十二月曲赦建安晉安二郡晉安郡平 六年十二月曲

赦京師詔內有愆陽累月詔

廢帝紀光大元年十月赦巴湘二州爲皎所誣誤者

州刺史

華皎反破之

宣紀太建二年三月曲赦廣衡二州

歐陽紇反誅之

六年正月

詔曰始觀皇風宜覃曲澤可赦江右淮北南司定霍光建朔合豫北徐仁北兗青冀南譙南兗十五州郢州之齊安西陽江州之齊昌新蔡高唐南豫州之歷陽臨江郡土民罪無輕重悉皆原宥將帥職司軍人犯法自依常科

時諸州郡

復新

魏書道武紀天興二年正月初祠南郊曲赦京師

明元紀泰常七年十一月曲赦司州殊死已下

太武紀太平眞君十一年九月曲赦定冀相三州死罪已

下

文成紀興光元年二月帝至道壇登受圖籙禮畢曲赦京

師 大安元年正月奉世祖恭宗神主于太廟三月曲赦

京師死囚已下

詔有

六月詔名皇子曰宏曲赦京城改年

二年曲赦京師

五年三月曲赦京師死罪已下

獻文紀和平六年九月曲赦京師

皇興二年以河南關

地曲赦京師殊死已下

孝文紀延興二年正月曲赦京師及河西南至秦涇西至

枹罕北至涼州諸鎮

五年六月曲赦京師死罪遣備端

蠕 承明元年九月曲赦京師

太和二年四月澍雨大

洽曲赦京師

九月曲赦京師

三年三月曲赦京師

四年五月以澍雨大洽曲赦京師

十九年四月曲赦徐

豫二州六月曲赦梁州十月曲赦相州

二十年八月幸

華林園親錄囚徒咸降本罪二等決遣之 十月曲赦京

師 二十二年三月曲赦二荆魯陽郡十月曲赦二豫殊

死已下

宣武紀正始元年六月以旱錄京師見囚殊死已下皆減一等鞭杖之坐悉皆原之三年八月曲赦涇秦岐涼河

五州永平元年九月赦冀州民雜工役爲元愉所誣誤

者其能斬獲逆黨別加優賞

時刺史元愉反

二年五月以旱親

錄囚徒犯死罪已下降一等延昌二年六月曲赦揚州

肅宗紀神龜元年八月詔京師見囚殊死已下可悉減一

等孝昌元年九月曲赦南北兩秦州二年六月曲赦

齊州曲赦平陽建興正平三郡三年正月曲赦關西及

正平平陽建興十月曲赦恒農巴西河北正平平陽邵郡

及關西諸州

孝莊紀永安二年四月曲赦畿內死罪至流人減一等徒

刑以下悉免

孝靜紀天平元年十二月赦畿內 二年四月降京師見
囚 元象元年四月曲赦畿內 興和元年九月發畿內
民夫十萬人城鄴城四十日罷曲赦畿內死罪以下各有
差

北史魏文紀大統五年二月赦京城內 十四年正月赦
潁豫廣北洛東荆襄等七州

北齊書文宣紀天保元年十月曲赦并州郡晉陽縣及相
國府四獄囚

武成紀河清二年正月臨都亭錄見囚降在京罪人各有
差 三年十二月帝至洛陽赦州城內死罪已下囚帝至
武牢經滑臺次於黎陽所經減降罪人 武平元年十月
曲降并州死罪已下囚 二年九月曲降并州界內死罪
已下各有差

周書明紀元年十月赦長安見囚

武紀建德三年十月幸蒲州曲赦蒲見囚大辟以下

隋書文紀開皇三年五月赦黃龍死罪已下

時高竇入寇

七年

九月廢梁國曲赦江陵十月行幸同州以先帝所居降囚徒 八年十月伐陳曲赦陳國 仁壽二年九月隴西地

震十月曲赦益州管內

煬紀大業元年十月赦江淮已南 九年閏月幸博陵七

月詔曰博陵昔爲定州先皇歷試所基可改博陵爲高陽郡赦境內死罪已下 十一年八月幸雁門曲赦太原雁

門郡死罪已下

唐高祖紀武德二年二月赦并浩介石四州賈胡堡以北

繫囚 五月曲赦涼甘瓜鄯肅會蘭河廓九州

李軌平

三

年六月赦晉濕潞并四州

劉武平

四年二月赦代州總管

府石嶺之北五月赦山東爲竇建德所誅誤者六月赦河

南爲王世充所誅誤者 六年四月赦京城 六月曲赦

朔州

冊府作馬邑

九年六月幽州都督盧江郡王瑗反伏誅

赦幽州管内爲瑗所誅誤者

太宗紀貞觀四年九月如隴州十月赦岐隴二州降咸陽

始平武功死罪以下曲赦武功同岐隴二州

按曲赦武功詳冊府本紀但云免租賦

五年十二月赦關內 六年三月降雍岐豳三州死罪已

下 十一年三月降洛州囚見徒 十二年二月如長春

宮免朝邑縣今年租賦降囚罪

冊府云降囚免徒

十三年正月

拜獻陵赦三原及行從

冊府云赦三原縣及從官衛士等囚罪已下

十四年

正月幸魏王泰第赦雍州長安縣二月觀釋奠於國學赦

大理萬年縣九月赦高昌部內 十七年十一月以涼州

獲瑞石赦涼州

冊府作梁州

二十年正月幸并州赦并州

二十二年三月赦宜君十二月降長安萬年徒罪已下

高宗紀永徽四年十月幸溫湯赦新豐五年三月如萬

年宮赦岐州及所過徒罪以下六年正月拜昭陵赦醴

泉及行從顯慶二年閏正月如洛陽宮二月降洛州囚

罪徒以下原之十一月講武於新鄭赦鄭州三年二月

至自東都慮囚

冊府云悉原宥之

五年正月如并州赦并州及

所過州縣八月赦神邱道大總管以下軍士及其家

冊府云以

蘇定方等討平百濟

龍朔元年二月改元赦洛州

冊府云以益縣等五州皆言龍見

三年十二月改明年爲麟德元年降京師雍州諸縣死罪

以下

麟

麟德元年二月如萬年宮八月幸舊第降萬

年縣死罪以下

二年四月赦桂廣黔三都督府

以蠻平

章二年九月如岐州赦岐州咸亨四年如九成宮十月

以皇太子納妃赦岐州儀鳳元年二月如汝州溫湯慮免

汝州輕繫

三年四月以旱慮囚

親慮市城隍四悉原宥之

開耀元年

七月以太平公主下嫁赦京師九月赦定襄軍及諸道緣

征官吏兵募

存案厥汗

宏道元年九月以太平公主子生赦

武后紀光宅元年十月曲赦揚楚二州

徐敬業舉兵

垂拱二

年十月有山出于新豐縣改新豐爲慶山赦囚 三年八

月曲赦博州九月赦豫州 天授元年七月赦永昌縣

神功元年三月赦河南北 聖歷元年四月赦神都及河

北 二年九月如福昌縣曲赦 久視元年十月如新安

隴澗山曲赦 長安四年四月如興泰宮赦壽安縣

中宗景龍元年四月赦雍州 三年十二月如新豐溫湯

赦新豐

四年正月如始平二月赦咸陽始平

金城公主出降

睿宗景雲元年十一月葬孝和皇帝赦靈駕所過

萬年高陵三原

華原富
平等縣

元宗開元三年五月以旱錄京師囚冊府通降十月如郿

赦所過徒以下如鳳泉湯降大理繫囚罪十二月降鳳泉

湯所過死罪已下八年九月降京城囚罪杖以下原之

十一年正月降東都囚徒以下原之如并州降囚罪徒

以下原之次潞州赦囚次并州赦太原府三月至自汾陰

赦京城十五年七月降都城囚罪徒以下原之十七

年十一月拜橋陵赦奉先縣二十年十月如潞州赦潞

州十一月如北都赦北都二十四年十月次華州降兩

京死罪流以下原之至德二載十月誥降劍南囚罪流

以下原之

肅宗乾元二年二月中書門下慮囚冊府三月分錄大理
寺御史臺京兆府見

禁囚徒已下皆免之
三月當爲二月之誤

代宗寶應元年詔東都河北應受賊脇從署僞官并僞出身悉原其罪一切勿問本紀不載大厯五年三月以昭陵皇堂有光赦京兆關輔八年五月赦京師九年十二月降京師死罪流以下原之十二年六月以旱降京師死罪流以下原之

德宗建中三年二月赦吏民爲李惟岳迫脅者貞元十年四月赦京城十月以日食不見釋京城繫囚本紀不載

憲宗元和元年十月減劍南東西川山南西道今歲賦釋脅從將吏劉闢誅四年閏月以旱降京師死罪非殺人者

七年十月魏博節度使田興以六州歸于有司十一月赦魏博貝衛澶相六州

穆宗元和十五年十月成德軍觀察支使王承元以鎮趙深冀四州歸于有司十一月赦鎮趙深冀四州死罪以下

長慶元年二月劉總以盧龍八州軍歸于有司三月赦

幽涿檀順瀛莫管平八州死罪以下十二月以疾瘞放在

京繫囚

本紀不載

文宗太和元年六月以旱降京畿死罪以下 八年十二

月降京畿死罪以下 九年十二月降京師死罪以下

開成四年十一月降京畿死罪以下

宣宗太中五年三月赦平夏党項羌八月赦南山党項羌
僖宗中和元年正月如成都二月赦劍南三川 四年六
月赦劍南三川

昭宗景福元年八月降京畿關輔囚罪 乾甯二年十二

月赦京師 天德三年二月降京畿河中鳳翔興德府同

邠鄜三州死罪以下

昭宣帝天祐二年降京畿死罪以下

有星孛于西北

後唐天成二年二月赦京師囚

晉天福三年九月己酉赦范延光赦魏州

延光反而復降故赦之此是一

事七年正月克鎮州安重榮伏誅赦廣晉八月高行周克

襄州詔免被安從進脅從者九月高行周獻俘赦京城禁

囚二事見舊紀

八年二月如東京赦廣晉府囚次澶州赦囚

開運元年四月至自澶州赦京師閏月赦青州囚

以收青州

二年四月至自澶州赦左右軍囚

漢天福十二年五月至陝府釋管內繫囚

本紀不載

九月北征

十月赦河北

周廣順二年五月次曹州赦流罪以下囚

詳冊府

克兗州赦

兗州顯德元年三月如潞州赦潞州流罪以下囚

二

年十一月復鳳州赦秦鳳階成等州管內罪人

舊紀

三年

五月至自淮南赦京師囚六月德音赦淮南囚

四年三

月克壽州赦壽州管內見禁罪人

舊紀

宋太祖建隆三年六月減京畿河北死罪以下 乾德元年四月減荆南朗州澶州管內死罪一等鹵掠者給主三年正月赦蜀歸俘獲 開寶二年六月至自太原赦京城囚 四年十月放廣南民歐充軍者 八年十月江南平十一月赦江南

太宗太平興國三年四月陳洪進獻漳泉二州五月赦漳泉錢俶獻其兩浙諸州赦兩浙 四年五月北漢平赦河東常赦所不原者 七年十二月詔赦銀夏等州常赦所不原者李繼遷銀夏等州淳化元年正月減京畿繫囚流罪以下一等改元三年八月釋嶺南東西路罰作荷校者 五年六月赦李順脅從註誤八月釋劍南峽路諸州亡命十二月弛忠靖二州刑徒 至道元年正月改元赦京畿繫

圖流罪以下遞降一等杖罪釋之 三年二月帝不豫降京畿死罪囚流以下釋之

真宗至道三年十一月詔兩京死罪以下遞降一等 咸

平三年正月赦河北及淄齊州罪人非持仗劫盜謀故殺

枉法贓十惡至死者並釋之時契丹入寇 十月詔原川峽路繫

囚雜犯死罪以下復益州 四年正月詔應益州軍民因城亂

殺傷劫盜除官吏外皆釋不問五月御乾元殿受朝京畿

繫囚罪流以下遞減一等杖罪釋之十二月詔蜀賊王均

旣平除追捕亡命餘誑誤之民並釋不問

景德元年十二月赦河北諸州死罪以下民經蹂躪者契丹

入景德四年正月御乾元殿受朝詔京畿繫囚流以下減

一等丁卯帝素服詣諸陵減西京及諸路繫囚罪十月詔

宜柳象州懷遠軍死罪以下非十惡謀故鬪殺官吏犯枉

法賊者並原之廣南東西路雜犯死罪以下遞減一等脅

從受署者勿理

宣州亂平

十一月曹利用等言招安賊黨其饋

賊食物者請追捕減死論詔釋不問

大中祥符元年六

月迎泰山天書曲赦兗州繫囚流罪以下

二年四月振

陝西民饑五月遣使陝西決獄流罪以下減一等死罪情

可憫者上請

三年正月幸開封府詔東京畿內死罪以

下遞減一等八月以江南旱罷江淮和糴所在繫囚遞減

一等盜穀食者量行論決

六年五月詔聖像所經郡邑

減繫囚死罪流以下釋之

建安軍鑄玉皇聖祖太祖太宗尊像以下謂爲迎奉使

七年正月朝太清宮曲赦亳州及車駕所經流以下罪建

南京歸德殿赦境內及京畿車駕所過流以下罪

天禧

元年五月奉太祖聖容於西京應天院赦西京繫囚死罪

減一等流以下釋之

仁宗乾興元年十月降東西京囚罪一等杖以下釋之

宗神主於太廟

天聖元年三月奉安眞宗聖容於西京應天院詔

減西京囚罪一等杖以下釋之三年二月詔陝西災傷

州畝盜廩穀傷王者勅配鄆州牢城徒減一等六年四

月下德音以星變齋居不視事五月降畿內死罪流以下

釋之

明道元年三月以江淮旱遣使與長吏錄繫囚流以下減

一等杖答釋之二年十月祔莊獻明肅太后莊懿太后

神主於奉慈廟下德音降東西京囚罪一等杖以下釋之

景祐三年七月大雨震電太平興國寺災降三京罪囚

一等杖以下釋之四年正月葬莊惠皇后於永定陵德

音降東西京及靈駕所過州縣囚罪一等杖以下釋之

寶元二年八月皇子生降三京囚罪一等杖以下釋之

康定元年二月德音釋延州保安軍流以下罪

趙元昊反六月

降三京囚罪一等徒以下釋之

慶厯元年四月德音降

陝西囚死罪一等流以下釋之

任福軍敗

二年五月降河北

州軍繫囚罪一等杖笞以下釋之十月赦陝西保捷軍

七年七月奉安太祖太宗眞宗御容於南京鴻慶宮德音

降南京畿內囚罪一等徒以下釋之

八年閏月曲赦河

北貝州平

皇祐五年二月赦廣南

德智高賊遁

德音減江西湖

南繫囚罪一等徒以下釋之

至和元年正月錄繫囚減

三京輔郡雜犯死罪一等徒以下釋之

二年正月奉安

眞宗御容於萬壽觀減畿內輔郡囚罪一等徒以下釋之

八月減畿內輔郡囚罪一等徒以下釋之

嘉祐元年八

月朝謁景靈宮減京城繫囚徒罪一等杖笞釋之

三年十二月錄繫囚降三京囚罪一等徒以下釋之

英宗嘉祐八年十月減東西二京罪囚一等

神宗治平四年九月減兩京畿內鄭孟州囚罪一等以山陵畢

熙甯元年七月減河北路囚罪一等河朔地歲二年五月奉

安仁宗英宗御容于會聖宮及應天院減西京囚罪一等

四年三月減河東陝西路囚罪一等徒以下釋之以師旅

五年十月減秦鳳囚罪一等時破太征六年七月禱雨錄在京

死罪以下降一等杖以下釋之 七年五月減熙河路

囚罪一等流以下釋之 十年二月以復廣源蘇茂諸州

赦廣州囚罪一等徒以下釋之 以交趾降赦廣南東路

荆湖南路繫囚餘各降一等徒以下釋之 元豐二年八

月以潁州爲順昌軍節度九月降順昌軍囚罪一等杖以

下釋之帝先封潁王三年正月陞許州爲潁昌府降潁昌府囚

罪一等徒以下釋之三月降兩京河陽囚罪一等以復土德音

五年二月以出師赦梓州路減囚罪一等六月詔以成都
路供給瀘州邊事曲赦九月帝以疾愈降京畿囚罪一等
徒以下釋之六年七月以四后祔廟降京畿囚罪一等
流以下原之德音

哲宗元豐八年十一月減兩京河陽囚罪一等杖以下釋
之德音以永裕發復土元祐元年正月改元錄在京囚減死罪已下

一等杖罪釋之二年十月恭謝景靈宮減西京囚罪一

等杖已下釋之八年八月太皇太后疾減京師囚罪一

等徒以下釋之紹聖元年二月減兩京河陽鄭州囚罪

一等四月減四京囚罪一等杖以下釋之德音以宣仁皇后復土四

年四月以西邊板築有勞曲赦陝西河東路元符二年

五月曲赦陝西河東路囚罪一等流以下釋之德音以西邊進築畢

功

徽宗元符三年三月以日當食降德音于四京減囚罪一

等流以下釋之八月葬哲宗皇帝九月減兩京河陽鄭州

囚罪一等

德音

十月升端州爲興慶軍

德音

帝先封端王

十一月降

德音於端州減囚罪一等徒以下釋之

建中靖國元年

五月葬欽聖獻肅皇后欽慈皇后於永裕陵減兩京河陽

鄭州囚罪一等

德音

十二月奉安神宗神御於景靈宮降

音於西京減囚罪一等徒以下釋之

崇寧元年五月葬

欽成皇后六月減西京河陽鄭州囚罪一等

德音

二年正月

以復荆湖疆土曲赦兩路三月減西京囚罪一等七月降

德音于熙河蘭會路減囚罪一等流以下釋之

三年三

月以火災降德音于四京減囚罪一等流以下原之曲赦

陝西四年閏月曲赦熙河蘭湟路

德音

六月曲赦熙河

陝西河東京西路

五年十月升澶州爲開德府降德音

于開德府減囚罪一等徒以下釋之 大觀元年二月以

黎洞納土曲赦廣西八月降德音于淮海吳楚二十六州

減囚罪一等流以下釋之二年九月曲赦熙河蘭湟秦鳳

永興軍路十二月葬靖和皇后三年正月減兩京河陽鄴

州囚罪一等德音政和元年四月以淮南旱降囚罪一等徒

以下釋之 三年五月葬昭懷皇后六月降兩京河陽鄴

州囚罪一等德音五年六月以修三山河橋降德音于河北

京東京西路十二月以平晏夷曲赦四川 六年七月曲

赦湖北九月以西內成曲赦京西 重和元年三月以茂

州番族平曲赦四川六月以淮西盜平曲赦以西邊獻捷

曲赦陝西河東路 宣和元年四月曲赦陝西河東路平

二年八月曲赦兩浙江東福建淮南路平四年十月

曲赦所復州縣藥師以詠五年四月曲赦河北河東燕

雲路

撫定燕城

十年正月詔赦兩河京西流民爲盜者

河北山東盜起

四月降德音于京東河北路

欽宗靖康元年五月曲赦河北路

高宗建炎元年十一月曲赦應天府亳州宿揚泗楚州高郵軍二年二月赦福州叛卒張員等五月曲赦河北陝西京東路四年正月詔原兩浙州郡降金官吏八月以饒信妖賊平赦二州徒以下囚紹興二年三月釋福建諸州雜犯死罪以下囚三年六月詔降川陝死罪囚釋流以下四年七月曲赦虔州五年正月詔減淮南諸州雜犯死罪釋流以下囚八月以諸盜平減湖廣江西二十二州雜犯死罪釋徒杖以下囚十二月詔降廬光濠等州死罪釋流以下囚七年三月帝至建康減建康流罪以下囚八月手詔赦廬州屯駐行營左護軍十年閏月降

陝西雜犯死罪釋流以下囚詔釋順昌府流以下囚七月
曲赦海州 十一年三月詔釋淮西雜犯死罪以下囚
三十一年十二月曲赦新復州軍降淮南京西湖北雜犯
死罪以下

孝宗隆興二年三月以廣西賊平詔減高藤雷峒四州雜
犯死罪囚釋杖以下十二月應沿邊被兵州軍除逃遁官
吏不赦外雜犯死罪情輕者減一等餘並放遣 乾道二
年四月以久雨減大理三衛臨安府及浙西州縣雜犯死
罪以下囚一等釋杖以下 四年七月以久雨慮囚減臨
安府三衛死罪以下囚釋杖以下 九年閏月以久雨命
大理三衛臨安府及兩浙州縣決繫囚減雜犯死罪以下
一等釋杖以下 淳熙八年五月以久雨減京畿及兩浙
囚罪一等釋杖以下 十四年六月減兩浙路囚罪一等

釋杖以下以久旱

十五年四月減臨安紹興府囚罪一等釋

杖以下

擯高宗陵

光宗紹熙二年九月以久雨命大理三衙臨安府及兩浙
決繫囚釋杖以下 四年七月以不雨命臨安府及三衙
決繫囚釋杖以下 五年四月以不雨命大理三衙臨安
府及兩浙決繫囚釋杖以下

甯宗紹熙五年十二月減臨安紹興二府死罪以下囚釋

杖以下

孝宗權贊慶元

元年二月以久雨釋大理三衙臨安府

兩浙路杖以下囚五月減大理三衙臨安府雜犯死罪以

下囚釋杖以下

大疫

二年七月減諸路死罪囚釋流以下

六年五月詔大理三衙臨安府及諸路闕兩州縣釋杖以

下 嘉泰元年七月以旱釋大理三衙臨安府及諸路闕

兩州縣杖以下囚

三年五月以旱詔大理三衙臨安府

釋杖以下囚六月減大理三衙臨安府囚罪一等釋杖以下
開禧元年六月減大理三衙臨安府囚罪一等釋杖以下
二年六月減大理三衙臨安府囚罪一等釋杖以下
曲赦泗州減雜犯死罪囚餘皆除之復泗州十二月釋大理
三衙臨安府杖以下囚 三年二月釋兩浙路杖以下囚
三月曲赦四川減雜犯死罪囚釋杖以下四月赦兩淮
湖北江西被兵諸州減雜犯死罪囚釋流以下赦西和階
成鳳四州四州平十月減臨安紹興二府囚罪一等成肅皇后權擢
嘉定元年閏月詔大理三衙臨安府及諸路關兩州縣
決繫囚釋杖以下九月赦沿邊諸州 二年五月釋大理
三衙臨安府兩浙州縣杖以下囚早三年三月以久雨釋
兩浙州縣繫囚四月決臨安繫囚釋杖以下 四年六月
減京畿囚罪一等釋杖以下 七年六月釋大理三衙及

兩浙路杖以下囚 九月以久雨釋大理三衙臨安府杖
以下囚釋兩浙路杖以下囚 八年二月蠲平江等五郡
逋負米釋其繫囚三月旱釋兩浙諸州繫囚釋江淮闕雨
州縣杖以下囚 十年五月以久雨釋大理三衙臨安府
杖以下囚十月以久雨釋大理三衙臨安府及兩浙諸州
杖以下囚 十二年五月減兩淮荆襄湖北利州路沿邊
諸州雜犯死罪囚釋流以下 十四年三月以雪寒釋大
理三衙臨安兩浙諸州杖以下囚六月以立皇子減京畿
囚罪一等釋杖以下 十五年十一月赦京東河北路京東路復
州軍理宗紹定五年十月赦盱眙金將以盱眙來降端平三年四
月梅開邊責已其京湖興沔州軍縣鎮見繫囚情理輕者
釋之 嘉熙二年三月詔四川被兵州軍府縣鎮并轉輸
勞役之所見繫囚人情理輕者釋之

帝鼎德祐元年正月赦京畿罪

遼太祖天贊元年二月赦軍前殊死以下 四年十一月
幸安國寺飯僧赦京師囚 天顯元年二月改渤海國爲
東丹赦其國內殊死以下

太宗天顯四年七月觀市曲赦繫囚

穆宗應歷二年十二月以生日飯僧釋繫囚 三年八月
以生日釋囚 十四年八月以生日值天赦不受賀曲赦
京師 十八年五月曲赦京畿囚

聖宗開泰八年七月觀市曲赦市中繫囚

興宗重熙五年十月曲赦析津府境內六年七月以皇太
弟重元生子賜詩及寶玩器物曲赦死罪以下 十五年
十二月壬申曲赦徒以下罪是日爲聖宗在時生辰 二
十二年十月應聖節曲赦徒以下罪 二十三年十月以

開泰寺鑄佛像曲赦在京囚 二十四年三月皇太弟重
元生子曲赦行在及長春鎮北二州徒以下罪

道宗清甯元年十二月以聖宗在時生辰赦上京囚 二
年三月應聖節曲赦百里內囚 三年南京地震赦其境
內十二月太皇太后不豫曲赦行在五百里內 八年十
二月以皇太后行再生禮曲赦西京囚 咸雍四年十月
曲赦南京徒罪以下囚 大安二年爲燕國王延禧行再
生禮曲赦上京囚 壽隆四年十二月爲燕國王延禧行
再生禮曲赦三百里內囚

金太祖天輔四年五月赦上京官民

克上京

七年正月曲赦

平州

平州降

熙宗皇統七年七月太白經天曲赦畿內 九年五月曲
赦上京囚

海陵正隆五年六月詔東海縣徐元張旺誑誤者並釋之
世宗大定二年二月詔前戶部尙書梁球戶部郎中耶律
道安撫山東百姓招諭盜賊或避賊及避徭役在他所者
並令歸業及時農種無問罪名輕重並與原免 二十四
年四月次東京曲赦百里內犯徒二年以下罪 二十五
年四月曲赦會甯府

章宗臨昌二年十月以山東河東旱應雜犯及強盜已未
發覺減死一等釋徒以下 泰和六年五月山東路災赦
死罪已下八月赦唐鄧潁蔡宿泗六州 七年二月赦成
鳳西和階山五州

衛紹王大安二年六月曲赦西京太原兩路雜犯死罪減
一等徒以下免 崇慶元年十月曲赦西京遼東北京
宣宗貞祐二年六月次彰德府曲赦其境內十月曲赦中

都路十一月曲赦山東路曲赦遼東路 三年二月詔曲赦招撫北京作亂者四月曲赦山東路曲赦蒲察七斤脅從之黨 四年三月曲赦中都河北等路曲赦遼東路 興定二年四月曲赦遼東等路 三年六月曲赦河東南北路七月曲赦陝西路曲赦山東西路 四年六月京畿不雨勅有司閱獄雜犯死罪以下皆釋之 五年二月曲赦東平府以旱災曲赦河南路

哀宗正大三年十一月以夏全等來降赦諸路從宋及淮楚官吏軍民并其家屬 四年七月赦陝西東西兩路 天興二年正月赦河朔上入歸德赦在府囚七月曲赦蔡州管內雜犯死罪以下

元成宗元貞六年四月曲赦雲南諸部蠻夷

武宗至大元年曲赦御史臺見繫犯贓官吏罪止徵贓罷

職

仁宗至大四年十二月

仁宗已卽位

曲赦大都大辟囚一人并

流以下罪

英宗至治二年七月車駕次應州曲赦金城縣囚徒三年四月敕都功德使闕兒魯至京師釋囚大辟三十一人杖五十七以上者六十九人

泰定帝泰定元年五月赦上都囚咎罪以下者十二月太白經天曲赦重囚三十八人以爲三宮祈福

文宗天歷二年十月雲南八番爲囊加台所誑誤反側未安者並貰其罪

順帝至元六年三月赦漳潮二州民爲李志甫劉虎仔脅從之罪九年閏月赦湖廣徭賊誑誤者至正十二年二月詔徐州內外羣聚之眾限二十日不分首從並與赦原

十二月詔以杭常信廣德諸路皆克復赦註誤者

明太祖洪武十三年五月釋在京及臨濠屯田輸作者

成祖永樂九年二月詔赦交趾十一月赦宥福餘朶顏泰
甯三衛罪令入貢

仁宗永樂二十二年十一月赦兀良哈罪

宣宗宣德元年五月赦交趾許黎利自新

英宗正統三年八月以陝西饑令雜犯死囚以下輸銀贖
罪送邊吏易米

憲宗天順八年十二月免京官雜犯罪

神宗萬曆十三年四月以旱釋鳳陽輕犯及禁錮年久罪

二十九年正月播州平除官民註誤罪

莊烈帝崇禎九年五月詔赦脅從諸賊願歸者

別赦

晉書武紀泰始元年十二月詔曰昔王淩謀廢齊王而王
竟不足以守位鄧艾雖矜功失節然束手受罪今大赦其
家還使立後興滅繼絕約法省刑除魏氏宗室禁錮

元紀大興四年五月詔曰昔漢二祖及魏武皆免良人武
帝時涼州覆敗諸爲奴婢亦皆復籍此累代成規也其免
中州良人遭難爲揚州諸郡僮客者以備征役

孝武紀太元十四年正月詔淮南所獲俘虜付諸作部者
一皆遣散男女自相配匹賜百日廩其沒爲軍賞者悉贖
出之以襄陽淮南饒沃地各立一縣以居之

宋書孝武紀孝建二年十月詔在朕受命之前凡以辜徒
放悉聽還本犯贖之門尙有存者子弟可隨才署吏大
明二年六月詔曰往因師旅多有逋亡或連山染逆懼致
軍憲或辭役憚勞苟免刑罰雖約法從簡務思宏宥恩令

驟下而逃伏猶多豈習愚爲性忸惡難反將在所長吏宣
導乖方可普加寬申咸與更始 五年二月詔曰昔人稱
人道何先於兵爲首雖淹紀勿用忘之必危朕以聽覽餘
閒因時講事坐作有儀進退無爽軍幢以下普量班錫頃
化弗能孚而民未知禁道役違調起觸刑網凡諸逃亡在
今味爽以前悉皆原赦已滯囹圄者釋還本役其逋負在
大明三年以前一賜原停 七年六月詔考謫貿襲在大
明七年以前一切勿治

明紀泰始二年十二月詔曰近眾藩稱亂多染疊科或誠
係本朝事緣逼迫混同證錮良以悵然夫天道尙仁德刑
並用雷霆時至雲雨必解朕眷言靜念思宏風俗凡應禁
削皆從原蕩其文武堪能隨才詮用

鬱林王紀永明十一年八月詔曰近北掠餘口悉充軍實

刑固無小罔或攸赦撫辜興仁事深睿範宜從蕩宥許以自新可一同放遣還復民籍已賞賜者亦皆爲贖

梁書武紀天監十七年八月詔以兵驕奴婢男年登六十女年登五十免爲平民 普通六年三月賜新附民長復除應諸罪失一無所問 大同七年十一月詔曰民之多幸國之不幸恩澤屢加彌長姦盜朕亦知此之爲病矣如不優赦非仁人之心凡厥僭耗逋負起今七年十一月九日昧爽以前在民間無問多少言上尙書督所未入者皆赦除之

陳書高紀永定二年二月南豫州刺史沈泰奔於齊三月詔曰罰不及嗣自古通典罪疑惟輕布在方策沈泰反覆無行但令朝廷無我負人其部曲妻兒各令復業所在及軍人若有恐脅侵掠者皆以劫論若有男女口爲人所藏

並許詣臺申訴若樂隨臨川王及節將立効者悉皆聽許
文紀天喜元年二月王琳奔齊詔曰王琳識暗挈瓶智慙
衛足干紀亂常自貽顛沛而搢紳君子多被繫維宜加寬
仁以彰雷作其衣冠士族預在凶黨悉皆原有將帥戰兵
亦同肆眚竝隨才銓引庶收力用 六年三月詔侯景以
來遭亂移在建安晉安義安郡者並許還本土其被略爲
奴婢者釋爲良民

宣紀太建五年十二月詔曰古者反噬叛逆盡族誅夷所
以藏其首級誠之後世比者所戮止在一身子息或存梟
懸自足不容久歸武庫長比月支惻隱之懷有仁不忍維
熊羆朗留異陳寶應周迪鄧緒等及今者王琳首並還親
屬以宏廣育

魏書太武紀神麀二年正月丁零鮮于臺陽等歸罪詔赦

之

孝文紀延興三年正月相州執送妖人榮永安於京師斬之詔赦其支黨 六月詔曰往召民秀二人問以守宰治狀善惡具聞將加賞罰而賞者未幾罰者眾多肆法傷生情所未忍今特垂寬恕之恩申以解網之惠諸爲民所列者特原其罪盡可代之 太和五年二月沙門法秀謀反伏誅三月詔曰法秀妖詐亂常妄說符瑞蘭臺御史張求等一百餘人招結奴隸謀爲大逆有司科以族誅誠合刑憲且矜愚重命猶所弗忍其五族者降止同祖三族止一門門誅止身 七年正月詔曰朕每思知百姓之所疾苦以增修寬政而明不燭遠實有缺焉故具問守宰苛虐之狀於州郡使者秀孝計掾而對多不實甚乖朕虛求之意宜案以大辟明罔上必誅然情猶未忍可恕罪聽歸申下

天下使知後犯無恕 二十一年三月次離石叛胡歸罪省之

肅宗紀正光五年八月詔諸州鎮軍貫元非犯配者悉免爲民

北史魏文紀大統五年五月免妓樂雜役之徒皆從編戶北齊書文宣紀天保二年九月詔免諸伎作屯牧雜色役隸之徒爲白戶

孝昭紀皇建元年詔官奴婢年六十以上免爲庶人

後主紀天統四年十二月詔天保七年以來諸家緣坐配流者所在令還 五年二月詔應官刑者普免刑爲官口七月詔降罪人各有差

周書明紀元年十一月詔魏政諸有輕犯未至重罪及諸郵民一家有犯乃及數家而被遠配者竝宜放還十二月

詔元氏子女自坐趙貴等事以來所有沒入爲官口者悉
宜放免 二年二月詔自元年以來有被掠入賊者悉可
放免

武紀保定五年六月詔曰江陵人年六十五以上爲官奴
婢者已令放免其公私奴婢有年至七十以外者所在官
司宜贖爲庶人 建德元年十月詔江陵所獲俘虜充官
口者悉免爲民 三年八月詔自建德元年八月以前犯
罪未被推糾於後事發失官爵者並聽復舊 六年二月
詔自僞武平三年以來河南諸州之民僞齊被掠爲奴婢
者不問官私並宜放免八月詔曰以刑止刑世輕世重罪
不及嗣皆有定科雜役之徒獨異常憲一從罪配百世不
免罰既無窮刑何以措道有沿革宜從寬典凡諸雜戶悉
放爲民配雜之科因之永削十一月詔自永熙三年七月

已來去年十月以前東土之民被抄略在化內爲奴婢者及平江陵之後良人沒爲奴婢者並宜放免所在附籍一同民伍若舊主人猶須共居聽留爲部曲及客女宣政元年三月詔柱國故豆盧甯征江南武陵南平等郡所有民庶爲人奴婢者悉依江陵放免

靜紀大象二年六月詔南定北光衡巴四州民爲宇文亮抑爲奴婢者並免爲民復其本業

唐高祖紀武德二年十月赦募土背軍者

太宗紀七年九月縱囚來歸皆赦之

敬宗長慶四年二月放掖庭內園沒入者

宋書太祖紀開寶六年十月特赦諸官吏姦賊

太宗紀淳化五年十月釋殿前司逃軍親屬之禁錮者

真宗大中祥符五年十二月詔天慶節節日民犯罪情輕

者釋之

仁宗天聖元年閏月詔裁造院女工及營婦配南北作坊者並釋之

神宗熙寧四年六月河北饑民爲盜滅死刺配 五年十一月赦亡命荆湖溪洞者 九年十二月詔岷州界經鬼章兵燹者賜錢贖從來歸者釋其罪 元豐元年二月赦安南戰棹都監楊從先等

徽宗政和六年四月詔天甯諸節及壬戌日杖已下罪聽贖

高宗建炎二年正月諭流民潰兵之爲盜賊者釋其罪 三年四月詔傅正彥苗竊苗翊張達不赦餘黨並原赦傅黨王鈞甫馬柔吉罪許其自歸 紹興元年三月始下詔罪李成募人禽斬赦贖從者

遼太宗天顯五年三月皇弟李胡請赦宗室舍利郎君以罪繫獄者詔從之

聖宗開泰元年十月詔釋宿累國家舊使遠國多用犯徒罪而有才略者使還卽除其罪

金哀宗正大三年六月詔諭高麗及遼東行省葛不謫討反賊葛家奴赦脅從者

元世祖中統三年四月詔博興高苑等處軍民嘗爲李璫脅從者並釋其罪十月詔益都府路官吏軍民爲李璫脅從者並赦其罪至元十三年二月宋主舉國內附詔凡歸附前犯罪悉從原免應抗拒王師及逃亡嘯聚者並赦其罪

成宗至元三十一年十二月用帝師奏釋京師大辟三十人杖以下百人元貞元年九月用帝師奏釋大辟三人

杖以下四十六人 二年十二月釋在京囚百人 大德二年十二月釋在京囚二百一十九人 三年十一月釋囚二十人 六年二月帝有疾釋京師重囚三十八人 四月釋輕重囚三十八人 上都大水釋重囚 十年三月釋上都死囚三人

武宗大德十一年十二月敕內庭作佛事母釋重囚以輕囚釋之 至大二年十月以皇太后有疾詔天下釋大辟百人

仁宗延祐元年三月以僧人作佛事擇釋獄囚 皇慶二年七月以作佛事釋囚徒二十九人 五年九月以作佛事釋重囚三人 輕囚五十三人 六年三月以天壽節釋重囚一人 七月皇姊大長公主祥哥剌吉作佛事釋全甯府重囚二十七人 九月以作佛事釋大辟囚七人流以下

囚六人

英宗至治二年二月西僧亦思剌蠻展普疾詔爲釋大辟囚一人笞罪二十人 三年四月赦京師釋囚大辟三十一人杖五十七以上者六十九人

泰定帝泰定三年十一月命帝師修佛事釋重囚三人

文宗至順二年十月爲皇子古納荅別作佛事釋在京囚死罪者二人杖罪者四十七人 三年四月以作佛事祈福釋御史臺所囚定興劉縣尹及刑部囚二十六人

順帝至順四年十月依皇太后行年之數釋罪囚二十七人 至正十三年正月用帝師請釋放在京罪囚 十四年十一月皇太子修佛事釋京師死罪以下囚

明太祖洪武二年十二月詔臨洮將士之亡匿山谷者罪無大小竝行赦

見續通考

二十六年赦胡惟庸藍玉餘黨

成祖永樂七年二月詔起兵時將士及北京効力人民雜犯死罪咸宥之充軍者官復職軍民還籍伍

十一年敕姦黨齊黃等遠親未拏者悉皆宥之有來告者勿論

按此條見明大政記

二十二年十一月

仁宗已卽位

詔禮部建文諸臣家屬在教坊

司錦衣衛浣衣局及習匠功臣家爲奴者悉宥爲民還其田土言事謫戍者亦如之十二月宥建文諸臣外戚全家戍邊者留一人餘悉放還

宣宗宣德元年八月宥武臣殊死以下罪復其官

英宗天順元年十月釋建文帝幼子文圭及其家屬安置鳳陽

憲宗成化元年正月詔釋戍邊陳循江淵俞士悅等各回

原籍王文子宗彝于謙子冕謙壻朱驥並放回籍

按此條見續通考

神宗萬歷十二年二月釋建文諸臣外親謫戍者後裔
續通考仁宗初卽位已宥方孝孺等家屬爲民全是以
御史屠叔明言始赦其外親後裔詔自齊泰黃子澄外
其坐方孝孺等連及者皆免之於是浙江江西福建四
川廣東得免者凡三千餘人

赦徒

晉書武紀泰始五年五月曲赦交趾九真日南五歲刑
六年三月赦五歲刑已下 咸甯二年二月赦五歲刑已
下

惠紀太安二年正月赦五歲刑

明紀太甯二年正月赦五歲刑以下

成紀咸和元年十月赦百里內五歲以下刑 八年正月

赦五歲刑以下

新宮成
有詔

孝武紀太元五年夏四月大旱癸酉大赦五歲刑以下

六年七月赦五歲刑以下

宋書少帝紀景平元年七月以旱赦五歲以下罪人

文紀永嘉四年三月詔五歲刑以下皆悉原遣

南齊書武紀永明二年八月幸舊宮詔申京師獄及三署

見徒量所降宥 五年四月祠太廟詔繫囚見徒四歲刑

以下悉原遣五年減爲三歲京邑罪身應入重降一等

六年正月詔三署徒隸詳所原釋

明紀建武二年四月三署徒隸原遣有差

魏書孝文紀太和四年閏月幸虎圈親錄囚徒輕者皆免

之 二十一年十二月詔流徒之內皆決遣有登城之際

令其先鋒自效

北周宣政元年十二月免京師見徒竝令從軍

後梁開平元年十一月赦亡命背軍髡黥刑徒

宋太宗淳化五年十二月弛忠靖二州刑徒

遼重熙十九年十月釋臨潢府役徒二十一年十二月

釋役徒限年者

道宗大安四年正月曲赦西京役徒二月曲赦春州役徒

終身者皆五歲免如春州赦泰州役徒五月詔免役徒終

身者五歲免之七月曲赦奉聖州役徒八年三月曲赦

中京蔚州役徒

元成宗元貞二年五月詔諸徒役者限一年釋之母杖

明成祖永樂十三年釋工作囚徒先是命出繫囚輸作贖

罪既而多亡者有司請捕之帝曰此皆衣食空乏出於不

得已遂命見役者俱還家共釋四千九百餘人

按此條見續通考本紀不書

王國赦事

魏志武宣卞后傳建安二十四年拜爲王后減國死罪一等

按漢帝在而自赦國內未知曹操已帝制自爲抑漢時有此制也六代時諸王之爲州將者每自赦境內矣南齊書高紀宋昇明三年三月爲齊公下令赦國內殊死以下今日十五日昧爽以前一皆原赦

按此襲曹操之故事也

江淹建平王赦五刑教府州國綱紀吾謬繼朝組迺班恩命重渥華蕃踐寵懋旬永言政惠良攪清寐況舊楚地曠前郢岷殷水帶枉渚山而魯陽白頃田邑榛故封井萊蕪

財賦方屈，犴獄實繁。思所以厚風，釐俗變惡。改調自五歲，刑以下未送臺者，一皆原遣。文武彈坐，亦悉復職。主局依舊，施散薄紓。此懷。

按梁書江淹傳：建元初，又爲驃騎建安王記室，帶東武令，參掌詔冊。南齊書建安王子真傳：永明四年，爲輔國將軍、南琅邪、彭城二郡太守。此教所言舊楚魯陽舊卽指南琅邪、彭城二郡也。齊時別無建平王，恐本集有誤。梁建平王大球，大寶二年遇害，年十一。淹卒於天監之初，不相及也。至六代諸王之領州府者，得自赦境內此文及後。陸倕豫章王拜後赦教，皆是其證。

梁陸倕豫章王拜後赦教曰：夫議獄緩死，著在令圖，疑罪惟輕。聞諸雅詁，是以虞經惻隱，流涕冬決。鍾意垂仁，哀矜寒迭。吾以虛薄，夙頒寵章。光宅襟險，奄有全粵。非有沛獻

於嚴空紆青組束平智思徒舉赤帷思所以迎述皇猷導揚弘澤遵彼下車譬茲解網

外國赦

南史東夷扶桑國傳其國法有南北獄若有犯輕罪者入南獄重者入北獄有赦則放南獄不赦北獄文身國在倭東北七千餘里犯輕罪者則鞭杖犯死罪則置猛獸食之有枉則默避而不食經宿則赦之

赦屬國

元世祖本紀中統元年三月辛卯陝西宣撫使廉希憲言高麗國王嘗遣其世子僎入覲會憲宗將兵攻宋僎留三年不遣今聞其父已死若立僎遣歸國彼必懷德於我是不煩兵而得一國也帝是其言改館僎以兵衛送之仍赦其境內

爲臣下赦

吳志呂蒙傳會蒙疾發權時在公安迎置內殿所以治護者萬方病中廖爲下赦令

初學記十二崔鴻前秦錄王猛疾病未廖苻堅大赦殊死以下

冊府八十貞觀五年五月皇太子承乾疾篤請釋囚徒許之本紀不載

唐書高宗紀開耀元年七月以太平公主下嫁赦京師

赦六終